



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacri sacerdotij defensio co[n]tra Lutheru[m]

Fisher, John

Coloniæ, 1525

VD16 F 1240

XIX Q[uod], si quis ex mere negatiuo, nimiru[m] ex eo, q[uod] nusq[ue]
uocati sint ab apostolis sacerdotes, contendat esse colligendum nullos
eiusmodi fuisse sacerdotes, ita nos facile colligemus ...

urn:nbn:de:hbz:466:1-30878

De sacra sacerdotij defensione cōtra Luth. XXXIII

Possumus & alia ad hunc modū haud pauca memorare, sed hæc opinor sufficiunt, ut quiuis intelligat de nomenclaturis istiusmodi non esse scripto satis exacte definitū, sed earum clariorem distinctionem, ex his quæ uiua uoce tradita sunt, necesse sit potius esse petendam.

¶ Q. si quis ex mere negatiuo, nimirū ex eo, q̄ nusq̄ uocati sint ab apostolis sacerdotes, contendat esse colligendum nullos eiusmodi fuisse sacerdotes, ita nos facile colligemus Iohannē Euangelistā existimasse, nullū inter ap̄los & discipulos fuisse discrimen. Nam ille per totū Euangelium suū nusq̄ apostolorū, sub hoc nomine, mentionē facit. Et tamen crebro de his ip̄is loquit̄, q̄ fuerant apostoli, nusq̄ eos nominans apostolos, sed discipulos dūtaxat. Quid ergo? Num propterea nihil discriminis inter ap̄los & discipulos fuisse credidit? Non con-
XIX
Ap̄li nomen
nō a Iohanne
ponitur.

sequitur. Sic pariter & de noui testamenti scriptoribus dicendū est, q̄ quanq̄ hi de sacerdotibus, sub hoc nomine nullā fecerint mentionē, non oportet, ob id nihil inter sacerdotes & reliquos interesse christianos. Nā de illis ip̄is abunde sub alio nomine meminerunt, nempe quoties de presbyteris & episcopis habebatur sermo.

¶ Nec mirum cuiq̄ esse debet, si postea sp̄s diuersum inter hos gradū esse uoluerit, quandoquidē huiusce rei tā euidens exemplar ante per Christū in euangelio fuerat exhibitū. Nec em̄ frustra Christus diuersum gradū instituit duodecim apostolorū a. 70. discipulis, & rursum eorundē. 70. discipulorū a reliqua turba. Q. si Christus tantū discriminis in illo pu-
XX
Sacerdotū dī-
uersi gradus
necessarij
Lucæ. x.

sillo grege necessariū fuisse duxerit, quis nō aduertit hoc multo magis in toto christianorū cœtu qui mox postea supra stellarū numerū excreuit, oportuisse fieri. Rectissime igit̄ & non absq̄ sacri sp̄s instinctu successisse apostolis credendi sunt hi quos ep̄os & maiores sacerdotes uocamus, nimirū q̄ hi primū in ecclesia gradū obtineant. Septuaginta uero discipulis, illi q̄ presbyteri minoresq̄ sacerdotes dicunt̄, q̄ & secūdi gradus tenent formā. Nā debuit hæc ueritas, quæ per Christum instituta fuit in ecclesia perpetuari, sic ut semper essent quidā, qui referrent ap̄los, alij qui septuaginta discipulorū formā ex-
Ep̄i succedūt
ap̄stolis.

Sacerdotes
sunt discipu-
lorum succes-
sores.